



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

An Arist. in disputatione de Ideis, cum Platone debeat conciliari. Cap. 11.

urn:nbn:de:hbz:466:1-12918

Super sua cogitatione alios mouere. Homo enim, dum verè contemplatur, iungitur cum suo principio, in eoque per animam reperitur, in quo non distant, sed eminenter iuncta sunt ea, quæ apud nos distare videntur; adeo, ut per caussas ea videat, quæ aliis in effectis conspiceret vix datum est.

*An Aristoteles in disputatione de Ideis, cum
Platone debet conciliari.*

CAP. XI.

Simplicitus, Theophrastus, Priscianus, Lydus, Boetius, Ioannes Picus, & alij nonnulli viri celebres inquiunt, Arist. à Platone de Ideis loquente revera nō dissentire; sed solum esse litem in verbis: quatenus Arist. vel disputat contra fatuam de Ideis sententiam, quod Ideæ sint formæ rerum naturalium abiunctæ, & seorsum à mente per se subsistentes: vel quatenus, quas Plato censet posse dici Ideas, & eodem nomine cum participantibus designari; Arist. magis ad terminorū proprietates respi ciens, eodem nomine appellandas non censet; solum enim leonem nuncupat illum, qui ex carnibus, & ossibus constans, pelle, & pilis tegitur. Revera tamen cōuenire eos affirmat; quoniam eminens cōtinentia Peripateticorū, nil aliud est, nisi Idealis mundus Academicorum. Reim hanc ita sese habere, ex eo confirmari potest; quoniam fundamētum Idearum

est mens diuina, vt omnia includens, vt omnis
diuinæ mentis offerens, vt omnium princi-
pium, vt nata imitari, & participari: quæ om-
nia à Peripatetico conceduntur, & propterea
cogitur concédere Ideas. Hinc Arist. de Ideis
mentionem nōnunquam facit: nam in 2. Phy-
sic. enumerans attinentia ad formam, inquit;
Forma & Idea. Ex aduerso alij eos esse discor-
des affirmant: & in ea discordia nōnulli tue-
ntur partes Arist. vt Alex. Pomponatius; alij Pla-
tonis, vt Syrianus, & multi ex Platonicis. Phi-
lопонус hac de re non sibi constat; in physicis
nititur nonnunquam eos conciliare, in dispu-
tationibus contra Proclum lib. 2. ait eos con-
ciliari non posse; adeò, vt magna hac de re sit
lis. Proculdubiō summoperè falluntur, qui
eos idem sentire affirmant: nulla enim alia de
re accuratiū Arist. contra Platōnem differuit,
quām de Ideis: manifestauit enim eas nec da-
ri, nec illa munera præbere posse, quæ ab eis
pendere asserunt Academicī; destruxit, non
ponendi inodū, sed absolute positionē ipsam;
manifestauit generationem, scientiam, & alia,
quæ ab Ideis dicuntur prouenire, minime per
Ideas fieri, immo per Ideas non posse fieri; nul-
lum vñquā vsum dereliquit Ideis; adeò, quod
si eas concederet, inutiles eas esse putandum
esset; cùm tamen in vniuerso, ex sentētia eius,
nil superuacaneum, nil inutile inueniatur.
Afferere, quod solūm reiiciat Ideas per se, &
seorsum à mente subsistentes, nō eas in diuina
mente

inente positas; est ostendere, se non perpen-
disse rationes Aristotelis contra Ideas: illæ e-
nim vim habent absolutè contra Ideas quo-
uis modo consideratas; absolutè enim inquit
Arist. in 1. in 7. in 13. Metaph. Ideas nec pro re-
rum definitione, nec pro humana scientia, vel
reminiscencia, nec pro rerum generatione, vt
fiant à simili, neque pro rerum principiis esse
ponendas: quia longè secùs hæc omnia fiunt,
quàm per Ideas fieri existimauerit Plato: &
cùm nullam præbeant vtilitatem, esse vanilo-
quia, & poeticas metaphoras affirmat. Pro-
pterea in 12. Metaph. 51. ait melius esse Deo nō
videre vilia, & mortalia, quàm videre. Accedit,
quòd cùm Ideæ, ex præcipuorum Academi-
corum sententia, sint formaliter distinctæ;
hanc distinctionem nunquam in prima men-
te concederet Aristot, qui eam esse simplicissi-
mum actum affirmauit, expertem nedum ma-
teriæ, sed etiam modi materiæ; quem materiæ
modum Academicum cum Ideis permiscent, vt
suprà apparuit. Longè etiam minùs valeamus
dicere, quòd dissentiat in modo loquédi; qua-
tenus nomen hominis, & leonis solùm com-
positis cum materia conuenire existimauit;
non autem diuinæ menti, vt natæ repræsen-
tare, & imitari. Quoniam absolutè Arist. à mé-
te diuina omnem distinctam producendi ra-
tionem remouet; solùm asserit esse caussam
comunem, vniuersalem, vniuersè ad omnia
concurrentem; vniuersè enim Deus per Cœ.

H

li motum fouet omnem generationem: quod verò hic, qui generatur, sit homo, ille verò leo; non ex distincta diuinæ mentis Idea provenire censet; sed solum ex eo, quia hic proximè fit ab homine, ille à leone: adeò, ut primum, & proprium principium generationis leonis, sit corporeus leo ex sententia Aristotelis, non autem Idea leonis, ut Plato existimauit. Demum, quia Aristoteles nec rerum à Deo simplicem emanationem, nec mundi productionem ponit, sed solum conseruationem à primo principio: iurè putandum est, nullo pacto concessisse Ideas, cùm nil admisserit, quod Ideis sit consentaneum. Colligamus itaque Aristotelem per sua fundamenta, & per suæ philosophiæ initia Ideas minimè concessisse, sed solum in diuina mente cuncta inueniri putasse in eminentia, at non per distinctas Ideas: nam hoc conuenire censuit illi caussæ, quæ solum est caussa communis, & nullius aliqua ratione propria. Ideæ enim supponunt id, cui conueniunt, distincta ratione diuersorum esse principium; continencia verò in eminentia secùs se habet. At cùm ita sentiat Aristoteles, nec possit cùm Platone conciliari; nos, dimisso Aristotele, cum Platone, cum Theologis, & cum priscis mundi sapientibus Ideas statuamus, easq; magnificemus; de quibus Boetius in 3. de Consol. metro 9. ita cecinit:

Quem

Quem non externæ pepulerunt fingere causæ
Materie fluitantis opus, verum insita summi
Forma boni, liuore carens: tu cuncta superno
Ducis ab exemplo, pulchrum pulcherrimus ipse
Mundū mente gerens, similiq[ue] in imagine formans,
Perfectasq[ue] iubes perfectum absoluere partes.

FINIS LIBRI

Tertij.

H 2

